

Cullittività di Corsica

ASSEMBLEA DI A GIUVENTÙ DI A CORSICA

**SESSIONI URDINARIA DI U 2025
RIUNIONI DI L'11 DI LUDDU DI U 2025**

N° 2025/M4/07

**MUZIONI
(CÙ DUMANDA D'ESAMI PRIURITARIU)**

DIPUSITATA DA: VIVIANE FILIPPI PÀ U GRUPPU “VOCE NAZIUNALE”

UGHJETTU: *Titularizzazioni di i ghjovani prufessori abilitati*

VISTU u Codici di l'Iducazioni, è spicialmenti u so articulu L. 312-11-1

VISTU a leggi n° 2005-380 di u 24 aprili di u 2005 d'urientazioni è di prugramma pà l'avvena di a scola, è spicialmenti u so articulu 20,

VISTU a cunvinzioni tra l'Accademia di Corsica, u GIPACOR è a Cullittività di Corsica relativa à a prulungazioni di u gran pianu di furmazioni di l'insignanti di u primu gradu in lingua corsa 2023/2024

VISTU a Dichjarazioni Univarsali di i Dritta Linguistichi ch'è pricisighja ch'è «tutta cumunità linguistica t'hà u drittu à disponsa di i meza nicissarii pà assigurà a trasmissioni è u mantinimentu di a so lingua»

VISTU a cunvinzioni annantu à a prutizioni è a prumuzioni di a divirsità di i sprissioni culturali di l'UNESCO aduttata da a Francia u 20 uttrovi di u 2005,

VISTU a cartula aurupea di i lingui righjunali o minuritarii di u Cunsigliu di l'Auropa di u 5 nuvembri di u 1992,

VISTU a muzioni di u 26 ghjunghju di u 1992 annantu à l'ufficializazioni di a lingua corsa,

VISTU a dilibrazioni n° 04/155 AC di l'Assemblea di Corsica di u 25 ghjunghju 2004 annantu à u mantinimentu in Accademia di Corsica di i ghjovani prufessori stazianti di l'IUFM di Corsica è di i prufessori attualmenti affitati à titulu pruvisoriu,

VISTU a dilibrazioni n° 11/192 AC di l'Assemblea di Corsica di u 29 luddu di u 2011 annantu à l'aduzzioni d'una muzioni relativa à u mantinimentu in Academia di Corsica pà a riintrata 2011 di i ghjovani prufessori cirtificati è mutati,

VISTU a dilibrazioni n° 17/192 AC di l'Assemblea di Corsica di u 30 ghjunghju di u 2017 annantu à l'aduzzioni d'una muzioni relativa à a difesa di l'intaressa di i ghjovani prufessori titularii in favori di a missa in piazza di novi reguli d'affitazioni è di mutazioni di l'insignanti in Corsica,

CUNSIDARENDU u bisognu maiori d'amparera di u corsu à a scola,

CUNSIDARENDU l'impurtanza di stenda l'insignamentu di u corsu à tutti i nivedda di u sicundariu,

CUNSIDARENDU chì l'insignamentu di u corsu com'è "sapè fundamintali" faci parti di l'assi priuritarii di u prughjettu accademicu,

CUNDIDARENDU u mancu di prufessori in Corsica,

CUNSIDARENDU u bisognu tamantu di prufessori abilitati pà assicurà l'insignamentu bislinguu,

CUNSIDARENDU chì a lingua corsa faci parti di l'identità di u populu corsu,

CUNSIDARENDU chì a lingua parmetti l'intigrazioni suciali,

CUNSIDARENDU chì i prufissori abilitati ani a brama d'insignà annant'à a so tarra,

CUNSIDARENDU chì troppi elevi ùn poni micca suvità un insegnamentu bislinguu di qualità,

CUNSIDARENDU chì a lingua corsa hè in priculu colp'à u mancu di lucutori,

CUNSIDARENDU chì a lingua è u so insegnamentu sò minacciati da individui tali chè u präsidenti di a FCPE 2A, associu di parenti d'elevi, chì dinuncia l'amparera di a lingua à a scola, ricusendu l'appertura di spiritu di l'elevi,

CUNSIDARENDU chì a famidda ùn hè più fattori di trassmissioni di a lingua corsa è chì a scola hè attualmente u mezzu principali pà assicurà a so trassmissioni,

L'ASSEMBLEA DI A GHJUVENTÙ DI A CORSICA:

DUMANDA chì i ghjovani prufissori abilitati in lingua corsa fussini titularizati annant'à l'Accademia di Corsica;

DUMANDA chì i prufissori corsi fussini priuritarii pà uttena i posta di titularii annant'à l'Accademia di Corsica;

DICHJARA u drittu pà i prufissori d'insignà in tarra soia;

DUMANDA a creazioni di novi posta bislingui;

RAMENTA a nicissità di ghjiniralizà l'insegnamentu di a Lingua è Cultura Corsa (LCC) à u sicundariu a partisi da a riintrata 2025/2026;

ACCERTA a so vulintà di veda a creazioni di novi filieri bislingui in tutti i stabilimenta sicundarii di l'isula;

MANDATA u präsidenti di u Cunsigliu isicutivu pà difenda l'intaressa di a lingua in u prughjettu accademicu in tantu ch'è co-prisidenti di u gruppu di travaddu annant'à l'assu 1 di u prughjettu (a lingua)

SUSTENI a dimarchja di u rittori pà a difesa di a lingua